

Ee bikkina kondominne awwaaxximmi guullaa fayyiisookkoo yakka'a amma'nnim xansiisooyyo. Ihukkaarem higinisimma 90% hanaan egedookkoka labookko, ihukkaarem amma'nnisooyyo.


Ee bikkina:

HIV/eedisa hoo'llimmina e'llookki goog mine issimmiinsi illageen baajoommanonne (woraaddanonne) sha'ixxi edanchiinsi gaga ege'llimmaa mine issaqqanchi woronnem amma'nnanchinne gaga muccuroomanne ege'llimmiinsi hore'em e'lloo goog bee'e.

3.6 HAWWOODO JOR HAALAXXI MISHSHUWWA

Ki'nnuwwi issitakkam doo'llina egerimmi yab yoo keeno.

Mat woraadichchi ixxi beshichchika motor bishtiliika ushe'imma hasukko; woshshi ihukkaarem ushe'imma losukkoyyo. Beshichchom atoorassoo'n bishtiliika massaa ushe'eena yakukkaare haqqanne jawwe'ukko. Ixxi beshichcho siidukki ammanenne ka'isa yaa urato xa'mmukko: "Eekka issummok aneyyo, eese keyye ubukkokka bishtiliika" yukko.



Hundi ammanem ni doo'lla issinoommo. Maha issimmi hasisooda'e doo'llinoommi ammane kee'mmaalli qoorooma issimmi hasisookko. Boobaniinsi ege'llimmi googo doo'llimma xannoommo. Ku kitaab HIV fikkaannoo duuha'a caakkisoolla. Lobakat fikkaannoobee'isa maha issimmi hasisooda'e caakkisookko. Boobanaam googo daa'llinoomman ihulus afisookki boobana qoxxinaa la'immi niina lobakata hasisookko. Ni gag xale'i ihoo'n mulli keeninam sawwimmi hasisookko.

Manni orachcho qoocukkuk Waa'a. Qoocukkukim lombinatte.

Hurbaat godabinatte. Godabim hurbaatinatte. Ihukkaarem Waa'i ee lamom bi'isookko. Orachchi Moollanni awwaadinatte bagaan saa'imminayyo. Moollannim orachchina hasisookki luwwa uwwookko. Waa'i Moollanna lehiinsi ki'isukkisam odim neesem ixxi malaayyinne lehiinsi ki'isookko. Ki'nnuwwik orachchi Kiristoosina qaamafeet ihukkisa laqqakkamoyyonnihe? Eehannata'i Kiristoos qaamafeeta massaa saa'aanchi qaamafeetinne mat issinnihe? Hore'em issoammoyyo. Saa'aanchonne iinse'ookkok isenne mat orachchi ihukkisa laqqakkamoyyannihe? Mashka'oomim Keesammi Maxaafanne "Lamim mat orachchi ikkamo" yamamaa xaafamaakko. Ihukkaarem Moollanninne mat ihukkuk Moollanni Ayyaaninnem mat ihookko. Ee bikkina saa'immiinsi gibbehe. Saa'immiinsi bagaan manni baxookki mulli baaxiil hundim ixxi orachchiinsi annanni ihaakkoohane. Ihukkaarem saa'ookkok ixxi gaqqi orachchonne baaxiilo baxoolla. Ki'nnuwwik orachchi Waa'iinsi aa'llakko'i Keesammi Ayyaan hee'aokki Waa'i min ihukkisa laqqakkamoyyannihe? Ki'nnuwwi orachchi Waa'ane bagaan ki'nnuwwi gaqqaneyyo. Ki'nnuwwi bitaa'aantokko'oo keen ikkako'i bikkina ki'nnuwwi orachchinne Waa'a lonsehe. (1Qor 6:13-20)

Waa'ii annichchi annichchinam er sawwit yookko. Hiraagaanchi Erimiyaas kitaabanne ka'isa kurookko:

Ki'nnuwwi bikkina sawwoommi sawwite an la'oommo; ee sawwitikim lasaanchi mishisoothane neeyyato uwwoohanee xummanee bagaan ki'nnuwwa hawwodo jollaneyyo. (Er 29:11)

Xa'mmichchuwwa

- ⇒ Sha'ixxi edanchinne uwwamubee'i luwwa banxoommaare bushinsoommok ni gaqeka te'im xale'i manni orachchi ihoo'n ee'isam Kiristoosikam endaa bushinsoommisa Waa'i sagar hanaan kuraakko. Ee duuha'a qoossitakko'ok hinkidette?
 ⇒ Ni orachcho Waa'ina keesimmi hinkid xansiisoo?
 ⇒ Waa'i niina annichchi annichchinam hinkido'i qodo'i yookko?

3.7 ADIL DAAWIIT BAAXIILU BAXIMMINNE MURO'AMUKKO

La'm Saamu'eelanne usheexxaxxi 11 usheexxaxxi 12 afeebe'e Daawit mulli manni meentichchi ikko'i Beersaabe'i iittonne ubukkisa haraarisanne qananaa'nnoomma. Daawit Beersaabe'inne sha'ixxi edancha issukko. Lamfoor ikko'isa la'aaka is aro'o Ooriyo'o sheena moqqa'o baxukko. Adil Daawit jar bax beeddukkoka labookko. Beersaabe'e seeraam ixxi meentichchotti isseena xanaakko. Daawit maha baxuda'e ayyim la'am hee'ukkoyya ee'isam ixxi woda'n mixano wanshukko. Woshshi ihukkaarem baxukki baaxiilina gaabbaakka Waa'iinsi urato xa'mmubee'i bikkina manninnee Waa'inne yookki edancha bi'isukko.

Eehanniinsi lasage Waa'i hiraagaanchi Naataana asse'imminne acceeqasoo'isa issukko. Daawit baxukki baaxiilo amma'nnaa Waa'i uroo'isina amma'nnatinne xa'mmukka:

Waa'a, heer heerina hee'ao ki iitti bikkinaa yitaa haafihe;

ki lab qishixxaxxi bikkinaa yitaatim i baaxiila shiinshe.

An hawwodummi hawwojji hundam aanshitaa hoore;

i baaxiiliinsim eese muccusse.

I bi'ishsham an la'aomma;

i baaxiilim hundi ammanem i illagennette.

An keese hawwadaamma;

an hawwodummak xale'i keesette;

ki illagennem jar luwwa issaamma;

ee bikkina at eesenne oogattitti oogat hanqa'anee miiqakkam

luwwi bee'anee.

Iyyummi godabonne qaaccamummaanniinsim ki'isaa an

baaxiilaancho;

ee baaxiilinnem iyyumma eese qatto'o.

At xabbeenoomaa hanqaa hassoa bikkina iina xillaalli qoorooma losise.

Hisoophphi buyyinne kiffaa eese muccusse;

anim muccuroommo;

at eese aanshe; anim baradiinsi laphphaa qadaailoommo.

Tashitee lobakat liiranchi sagaraa macceesise;

at iiqqaa xaamsitti i miqqeewwim liiramona.

I baaxiilo at xiggitte;

keese hawwadummi hawwajji hundiinsem eese muccusse.

Waa'a, eesenne muccur wadano qaoce;

haareechchi xabbeen tirom i waronne isse.

Ki gadaniinsi eese qeessititte;

ki Keesammi Ayyaanam linniinsi massititte.

(Maz 51:1-11)

Naataanim Daawitina

“Waa'i ki baaxiila uru bikkina letooyya. Ihukkaarem Waa'a ixxi diina'i illagenne shalliisitt bikkina oo qaramu ki beet lehaakko” yaa dabarukka. (2Saam 12:13-14)

Daawitina Waa'iinsi urat issamukkita'nnim baxukki baaxii'l mashka'inne ixxi gagannee ixxi kululleetannee siidamtam mannanne hawwisookki duuha'i baxamaakko. Daawitanne la'amaakkoo aganni waronne ku usheexxat tuunsi ammanee yamamoakko. Jolli bax Ooriyo'o lehoo'isina issimmii Beersaabe'em kichche'aanchi issimmii ki'ukkuk isenne qarukki ciili lehukko. Ee hanqa dabassimmi xansiisooyya. Heechchim ee'isam asheerukko. Lasonne Daawit Beersaabe'iinse Salamoona yakkam beeto qarukko. Ixxim adil Daawit daannooma aa'ukko.

3.8 NI HOONGA QOOSINAA KIRISTOOSANNE QOXXIMMA

Daawit agannanne moo'amukkisanne qoxalli mannannem ihukkaare hoongi hee'eena xanookko. Ku hoongi baaxiilonne ubbuuseena xanookko. Awwonaanchi Phaawuloos Oroomina kitaabukki assanne issineena hansaommoka hanqinam issinoommi lambe'enne gafe'anchi hee'ao'isa qoossinoommisina losisookko. Mulli wocisanne biirinne afookki keenatonne xale'i ihoo'n woshshi ihukkaarem egexxineena hawwisookki woro'l

mixaninne warookko. Manni inkummi qoocanchi qophpha'n qoodo'onne awwonseena xanoocko.

Hoogaanchi ni haalata annanni issinaa la'immi hasisookko. Eennahlm qoxximmi hanniinsi siidamooda'e danaamisa qooslmmi hasisookko.

Ee'isinne i woronne oohim i maaranne er luhchi ma'lluchchim siidamoobee'isa la'omma. Erika isseena mixoammo; ihukkaarem issaa xanoommoyya. Mashka'omim an issoommok isseena hasoommi er luwwi ihaa'n isseena hasoombee'i jor luwwa. An issoommok isseena hasoombee'i luwwi ihukkaa'lleensi eekka issookkok i woronne yookki baaxiilo bagaan aneyyo.

An eraka isseena hasummuuyim hundi ammanem jora issaa siidamoommo. Waa'ika seera i wadaninnem guullaa iitoommo. Ihukkaarem i wadanonne yookki seerinne qasamaa qeefadookki mulli seer i orachchi hundannem yookkoka siidaommuulla. Oohim baaxii'l seera. An hinkido'anne'i hawwaancho! Ka lehonne massookki maariinsi eese ayyi gatisookko? Maallanni Yesuus Kiristoos kollinne gatisukki Waa'ina lombi ihona; i wadaninne Waa'i seerina ijaajamoommo. Ihukkaarem i maarinne baaxii'l seerina ijaajamoommo. (Oro 7:18-25)

Xa'mmichchuwwa

- ⇒ Daawiit kaka labookki baaxiilo baxuta'nnim "Waa'a liiramsaakkoo mancho" yamamaa weeshamookkok mahinatte?
- ⇒ Daawiit Waa'ika urato siidu bikkina baaxii'l mashka'inne afukki hawwuwwiinsi gataahinnihe?
- ⇒ Mat mat ammane amma'naanonne hoongi siidamookkok mahinatte? Hoongi macceesamoo ammane qoxximma siindoommok hanninnette?
- ⇒ Baoba'n haalat HIV/eedis caakkimminne afisookki mish kobi'llato uwwitakka'a atoorallehe.
- ⇒ Ni qoocci haalatinne ki'aa afookki keenato iyyaaqineena xanoommim qoxxishsha hanniinsi siindeena xanoommim?

4 Hawwi Afuta'nnim Hee'immina Gubbancha

Yaarko'i googanne taakke'am hee'u manchi muggimmik ihukkisa amma'nnimmi hoongi garoo'isa sawwineena xanoommim. Ixxi horoorene lobakat xa'mmichchi daba'llamoo'n urooyyo: "Ee ammane ee googinne taakke'ummok an xale'ennihe? Fanguwwi te'im bogaan eese xale'e hawwaddo'ok mahinatte? Qeessichcho te'im Leewekkichcho te'im Samaarekkichcho hawwaddo'n eese hawwaddo'ok mahinda'e? Waa'i asse'amaan mahina iina asse'amto'oyyo?"

Mat manchi ixxi gagii te'im lambe'ii HIV xiiqqi woronne heechchi qoosanchi kobi'llamookki muggimmi mare'i macceesamo'is la'amaakkoohane. Kobi'llamtam xa'mmichcha ki'issamo. "Kuk eesenne mahina afukko? Ku bi'ishshi xale'i iihannennihe? Te'im duunchannihe? Iina maso'i yoohonnihe? Te'im i gada'i kani ihaada'e?" yitu'uuyyi "Mahina? ... Mahina?" yamamookki xa'mmichcha edda'a edda'a is gagina hinca'allamok.

4.1 MANNI VAAYIRESINNE AMADAMTO'ISA LAGGAMOK MAHINATTE?

Eedis "Sagar muccussamoobee'i shookki jabbo" yamamaa weeshamookko. Kabad afeebe'e moo'amukkisanne jabbinne maqire amaxxamukki baachchinnee tuullinne yaayyimmi mashka'innee manni HIV/eedisinne amadamto'isa maaximma doo'llitamoo.

Abbis hiinchiinsi kid HIV-nne maqire hee'llam qarmani mateeyyooma qoocitamuuulla. Oo mateeyyoomim vaayires xiiganne yoo'isa qoossito'i manni issuwwi gaga biira yimminne vaayiresinne xummaanchisa hee'llamisa soggamoo, qoxxisansitamoo. Ihukkaarem kaba baachchinne ki'ukkaanninne yaayyimmi lobakata moo'amoolla.

AFAKKO'I LUWWA 4: "Anetti ihummaare hore'em issoommoyyo, akii'm mine hore'em maraa saarayyammoyyo" yimminne Maartiin quuqaa wocukko. "HIV saarayyato issamimmisa manni macceesuta'n mayyookko! An la'm gaba'l losa'n mi'n doarikteechcho lombi yookki manchi saarayyato issanchi hore'em ihoo bee'i woshsha" yukko. Ixxi mi'n ama Rooda'a saarayyamto'i naqaasha anganne amaddo'isam minenne uullito'ookko. HIV/eedis is xiiganne yoo'isa caakkisaokki naqaasha anganne amaddo'ookko.



Kuxxisoo bikkinaa lobakat aganino qlixxi xissi qaraare massimanne yo'i bikkinaa akiinchi sogukki sogito'nnisanne saarayyamta'a kaba yookki jabbi mah ihukkisda'e laqqo'ookko. Ee kurookki woraqata is ongiinsi hooraa amadimminne "Ku kuroo woshshi hanqi ihuda'e mahinne qoossitto?" yaa ise xo'mmukko. "Mulli manni saarayyoxxi woraqatinne hamaatta'at ihookko, hore'em xissittot atette bogaan an hinkaa xissaate?"

Qoxxaalla an xummaancho, i baxo qoxxaallisanne baxoommuulla, xulbe'em lelloomuulla, qoxxaalli manna saarayyitamok mahinatte?" yaa xo'mmukko. Woshshi ihukkaarem Rooda'a ixkena dabatta'a "Luxxi ki meentichcho ka onti hiincho letu'uuyyi saarayyamto'oyyi hee'llo'o. Aadit ise hawwisam hee'ukko, leella'i gogimmii orachchi xa'immii moo'amaakko. HIV mashka'inne leto'isa sawwitaa laqqoohonnihe an vaayiresa hanniinsi eebummoka laboolla?" yito'o.

Xa'mmichhuwwa

- ⇒ Maartiin nadadukkok mahinatte?
- ⇒ Maartiin beyyonne ki'nnuwwakkota'n hanqa la'immina hassakkamonihe?
- ⇒ Manchi ixxi gag te'im iitoo manchi vaayires ixxi xiiganne yoo'isa qoossulas annanni annanni quunqi sawwitinne qocameena xanookka.
- ⇒ Yaayyanchii quuqimmikii baa'immikii noganogimmikii baado amadimmikii, mulli ihimmikii kechchechchii hagara daba'llamookko. Maartiinii Rooda'aa hee'amu beyyonne te'im eehanniinsem shigigaa'oo'isanne yo'i manni kobi'lla kuttakkeena xantakkamonihe?


4.2 VAAYIRESINNE AMADAMTD'I MANNI TISSIISAM WOSHSHA

- Baxiinse hollancha, diinat aagoo gaog beechcha
- Heechchi miniinsi hollancha
- Beshaa hoogimma manni beyyonne gaassi hee'ukki lombe hoogimmi baachcha
- Mateeyyoo'mmeka shooto'ammi awwaado hoange
- Abaroosina iyyi ihmima
- Yaayyimihii annanni issimmihii dango'i afimmi
- Kiliniikanne hospitaalannee awwaado haangi
- Lasaqqi oosinaa abaroosinaa sharaxxi bikkina sawwimmi u'nnanchii kechchechchii.
- Qaphphaa qaphphaa waarookki buxoomiinsi ki'aa markashshaam hurbaata itimmina hoogimmii hasisaokki qaraalluwwa bitaachcha hoogimmii.

- Lasaanchonne kichche'isaa'isanne foor higimmi.

Tuutinne Wixxakka'a Qaaroa'm Baxa Baximma

- ⇒ Hanaan dissamukki washshuwwanne ki'nnuwwi gaqqi yakitinne ki'nnenne afukkisanne ki'llakka'a eddakkam kobi'llamoo washshi yoolas eddehe.
- ⇒ Vaayiresinne maqire hee'llam mannina issimmi hasisoo'isa mao'isaa'isanne axisanchi hasisoochane yitakkam woshsha dissehe. Seera minaadaphphi lachcha moo'isoo'isanne maha issimmi hasisookko?



4.3 MOOLLANNI YESUUS KIRISTOOS AYYI GOLO'IMMAM AA'OYYO

Vaayiresinne amadamta'i manni ni doollina "shishiraammuwwi" ikko'isa issakka'a xigakkamo. Gaassi doolle "shishiraammuwwi" shigigaa'oo luwwisa issaakka'a xigakka'a yaayyakkam hee'akko'o. Jabba baddimminne ki'akka'a manni olla'ii qee'llita'a

hee'llamisina issamtama, ayyim issuwwanne hincooyyi hee'ukko. Ihukkaarem Yesuus Kiristoos iittinne hincukko. Maariqoos Mishiraachchonnem kanniinsi woroon yoo washsha siindoommo.

Oddomachchonne baddisoo xissi firaakkoo mat manchi ee ammane Yesuus beyyo waaraa ixxi lokki beyyonne guruphphaa "At iittittaare eese fayyilissaa muccussiteena xantaatto" yaa uunxukko. Yesuusim qishixxaa ixxi anga bid'iqaa'aa ee mancho nakkaa "Iittoommo; fayye'llaa muccure" yukko. Ixxim ee ammancham oddomachchanne firukki baddisookki xissiinsi fayye'aa muccurukko. (Maar 1:40-42)

Yesuus Kiristoos manni lambe'enne maham annannaato issooyya. Hibbaam minaadaphphi beyyonne gadanchinne moo'antam "Qaraxxam keeninnee baaxiilaaninnee" qarmanchi ihimminne kasasamaakko. Shishiraammuwwa haxonne hooroa'n ayyi mannisam issuwwanne hincakko. Shishirinne amadamu mancho ixxi anginne amadaa jabbiinsi fayyiiseena hara'mmukkisa moo'nnoommo.

Ka aganna qananaa'ukki Yesuus Kiristoos awwaadaanchi ixxi gaga mat xa'mmichcha xa'mmimmi hasisookko. Yesuus HIV/eedisinne amadamu manna hinkid moo'oada'e? Andu Yesuusisa moo'oammannihe?

Tuutinne Wixxakka'a Qooroa'm Baxa Baximma

- ⇒ Mat manchi "Daannuwi HIV/eedisinne amadamta'i manna hundam wixxaa'lla'a mat kaambanne afuussitota'n doo'lloommo. Eekka issinaommi ammane vaayires fikkaannoabee'isa awwonneena xannoommo" yukko. Lamiinsi sas manni yookki tuuta qoocimminne ee manchi sawwitenne fitammehe. Mat tuut ee manchi sawwite sabimminne mulli tuut odim ee manchi sawwitenne bakkiisimminne ixxuwwi sawwite macceesissona. Fitanchoama gaalchi awwonsaanchi awwansona.

4.4 MULLI KEENINNE MAQIRE MATEEYYOOMA ISSIMMINNE WAA'IKA QOXXISHSHA HASIMMA

AFAKKO'I LUWWA 5: Magidaliina Ruwwaanda uillanne Kigaale'i kotamanne yookki Waa'a uunxaxxi minenne wixxita'a HIV-nne hee'llam abbaayyuwwi uullisso'i mateeyyoo'm tuutichchatte. "I faore i ooso iittoammo" yitam Magidaliine "I malaayyi xansiisukkisanne i foorinaa i oosinaa gubbamoammoo" yitamo. "I ara'i ka onti hiinchi illage lehinne annanni ihukkuuyyi lehukki mashka'a ayyim la'ookkak bee'e. Lasanne i gaga saarayyimmii mishinne ixxi lehukki mashka'a qoassineena xannummo. Kaba i oas heechcha mullom hee'imma xanamaa'isa maha issimmi hasisaada'e gudisummuuyyi yoommo. I jabbi bikkina i ooso atoorassoomma. Losana uramoobee'isa gatti mine axisoommuulla. Manna uunxataan ikkam bee'isa amma'nnoommo. Faorinne yaammi qax afeebe'e xanummi qaxa baxoommo. Woshshi ihukkaarem laphphaa ihoo woshshi iikkii i aasikii heechchi Yesuus anganne ihoo'isina issimma. I xissi bikkina yookki hanqa'i woshshi kan xale'ette. Oohim Waa'ikii mulli kee'n iittii qaraamii hee'aa'isina issaakko.

I gaalchinne liiramoommo!



Woshshi ihukkaarem baachchi, quunqii kichchechchii wi'llee! Wi'llee yookki sawwitii macceesamaakka. Mulli keenina vaayiresinne maqire hee'llam maninne mateeyyaoma qoaccimmi hasisaakko. Ookkim mateeyyoom ise labakata hara'mmaakko. Liiramataa kichchechchaa mateeyyoomanne baxxamaammo. Kabi'llammi hawwii kichchechchii niino yookko. Neesena'i neesem iittoa mat matina hee'immaa moa'insummuuyyi ni hanqi bikkina uullineena xannoommo."

Tuutinne Wixxakka'a Qooro'a Baxa Baximma

⇒ Woro'l sawwitee ni hawwaa wixxi wixxaa'naamma Waa'i kollonne laalloomisina Keesammi Maxaaf igginoommisa issoakko. Kaba yoo'hanniinsii illageen hee'ukki duuha'iinsii ki'isaa hinkid shiinnaatamooda'e Maz 88 moo'llehe:

Eese gatisaanchi Moollanni Waa'a,
hara'mmitoo'isina balli hundoomom laaroommuulla;
adim hiim hundoomam ki illagenne wi'lloammuulla.
I uunxat kiina macceesamona;
ki maccem i laachchi kallanne dabare.
Eesenne labakat hawwi afu bikkina
an leheena hincoammo.
An leheena tuude'u manchisa ihaammo;
i malaayyi hundim beeddaakko.
An shakko'i manni lambe'enne ubba'i mannisaa
Leta'atim waammanto'i mannisaa ihaammo;
odim at xadditti mannisaa
ki angiinsem fitta'a bi'llo'i mannisaa ihaamma.
At eese waammi barenne ubbuussitto;
xillaalli tuunsi barennem dilliissitta.
Ki quunqi eesenne lobakato kee'mmaakko;
wo'i moa'llisa eese xuuxaakko.
I beshi iinniinsi qee'llao'iso issitto;
ixxuwvim eese shigigitamiso issitto;
eesenne gaac xufamaakkao bikkina xoroommis bee'e.
Eesenne kichchechchi laphphimmiinsi ki'ukkok i illi joamaakka;
Waa'a, an balli hundam keese weeshoammuulla;
ki kollonne anga biddiqaa'aa uunxoammuulla.
Leto'i keenina ot aganna baxxoahonnihe?
Ixxuwvim ki'lla'a keese galaxxitamonihe?

Heer heerina hee'oo ki iitto waammi woronne kuttamonnihe?
 Ee bichchi beyyondu kiikka amma'nnantaattoohaannooma
 kuttamonnihe?
 Ki aganni ee tuunsi woronne;
 at gatisaanchi ikkittisdu ee xadanchi uullanne la'amoohonnihe?
 Ihukkaarem Waa'a, an ki kollonne loaroommo;
 daranne an keese uunxoommo.
 Waa'a, at eese mahina uunjitto?
 Ki gagam iinniinsi mahina daphphaa'llitto?
 Eesenne oosoommaniinsim ki'isaa lobakat hawwi afaakko;
 lobakat ammanem leheena hincaammo;
 dut ammanem at qaxxa'llittaanniinsi ki'ukkok adaraarammo.
 Kiikki malaayyaam quunqi eese liitukko;
 bala'im eese bi'isukko.
 Oo keen balli hundoomam eese dirisisa kibbito'o;
 kolli hundinnem mat ikka'a eese kibbito'o.
 Eese iittitam keenii i beshii eese shigigita'a qee'llitamisa issitto;
 xale'i tuunsi iina beshichchi ihukko.

(Maz 88)

Tuutinne Wixxakka'a Qooroo'm Baxo Baximma

⇒ Magidaliin iittitam asse'amaanchi keesammi Phaawuloos
 assiinsi 2Qor 5:1-10 qananaa'llakka'a ka qananaato mahina
 iittitoda'e atoorallehe. Ka xiqsa ki'nnuwwi heechchi
 losanine hinkid edamsitakkamo? Xiqsim hanqo'isanne
 ki'nnuwwina mah asso higisookko?

NEESE HEE'NNOOMMI ka uulli dukkaan gindamukta'n manni
 anginnetti ihoo'n Waa'i baxaakko heer heerina hee'ookki min
 iimanenne niina yoo'isa lanqoommo. Hanqinam neese kaba
 keyye hee'nummuuyyi iima'n ni minenne hee'neena
 qulunxummuuyyi qitinnoomuulla. Ee iima'neka
 edde'noommi ammane leexa'i inkaa siidammoommoyyo. Hoffi
 qax ammanina ka uulli dukkaananne hee'nummuuyyi
 kichchechchinne u'nnammoommuullak ka maariinsi annanni
 ihmminnetti ihoo'n lehookki orachchi heechchanne aagoo'isina
 haareechchi orachcho edde'immina minxoommuulla. Eehannina
 neese gudisukkok Waa'a. Keesammi Ayyaanam niina lubbat
 issaa uwwaakko.

Ee bikkina neese hundi ammanem iggimminne hee'noommo.
 Neese maarinne hee'nummuuyyi Moollanniinsi qee'llinummissa
 lanqoommo. Mashka'oomim hee'noommok amma'nnatinnette
 bagaan moo'imminneyyo. Niina lobakat iggimmi yookki bikkina
 ka maariinsi annanni inkaa iima'n minenne Moollanninne mat
 inkeena minxoommo. Ee bikkina neese maarinne hee'nummom
 hee'nummooyyoom niikki sawwit Waa'a liiransimma. Neese
 hundim eroka te'im jora ni maarinne banxummi baxisa o'llineena
 Kiristoos illagenne oogato'ina annannichchim uullimmi
 hasisoakko. (2 Qor 5:1-10)


4.5 VAAYIRESINNE MAQIRE IHAKKA'A ER SAWWITINNE HEE'IMMA XANIMMA

Vaayires yookki manni lobakat hiinchina fayya'i ikka'a
 losamaakko heechcha yakkitu'uuyyi hee'llamo. Abbis ammane
 vaayiresinne hee'llam meentichcho losso'i losano ka'isa yita'a
 kutto'o. Manni annanni annanni heechcha hee'ukkaarem ise
 ihukkaarem HIV-nne maqire danaamisa heechchi bikkina is
 sawwite muli keenina awwaadookko yimminne
 hincaallo'ookko.

1. HINCOO KEENINA CAAKKI MANCHI IHE. Vaayires ixxi gaganne
 yoo'isa kuru ammanenne jorisa muggummo. Ee ammanem
 leho mixummo. I heechchi doollenne hundannem oo amman
 lobakata baddisoohan hee'ukko. Ihukkaarem "Kabadem
 hee'oosmuulla ee bikkina yoommi duuha'anne xansiisukkis
 hundam isseena yakimmi hasisoakko" yaamma sawwummo.
 Luxxeka ee woshsha maaxaamma hee'am hee'ummo.
 Lobakat aganii lasage lobakata hincitam mannina yoo'isa
 kureena iggummo. Kichchechcha kuraamma lasage lobakata
 iina shalle'ukko. Kaba ka lasage caakkaomanne bax bikkina,
 hurbaaxxi bikkina, baachchi bikkinaa kichchechchi bikkinaa
 ee'isam mat mat er luwwinaa liiranchi luwwinaa
 atooralloommo.
2. GAQQI ORACHCHI MUCCUROOMA EGE'LLIMMAA IHOO USHEEXXATO
 SIIDIMMAA. Hundi ammane aansha'imminne i orachcho
 muccuroominne egeroommo. I malaayyi xansiisukkinne
 danaamisa issaa edde'eena yakoommo. Mat mat manni
 qaqqissa'a neeyato muttam bikkina issuwwi gaga

ege'llitamoyyo. Er xummaa ege'llimma losano hoogisoobee'i mikmikaato issimminne i xumma qoocaa egereena yakoommo. Ihoo usheexxata wossoo'lloommisina yakoommo.

3. **MARKASHSHAAM HURBAATA ITIMMA.** Xansiisukkisinne i orachchi qoxximminaa xumma iina uwwoo keenoo qoxxisoo hurbaataa: Maara, qurxumme'e, otongooro'o, baaqeela, quunqa, gite'ee adoo itoommo. Ee'isam malaayye uwwokkaka viitaamiin yookki mishshuwwaa annanni annanni shaanaa itoommo. Mataagge lobakata itimmiinsi gootto'i gootto'i issakku'uuyyi ballanne lobakat ammane itimmi doo'llamookko. I orachcho hoogisoo bikkina dinbisoo agguwwa agoommoyyo. Sijaaram agoommoyyo.



Tuutinne Wixxakka'a Qooro'a'm Baxa Baximma

- ⇒ Ni orachchina awwaadoo te'im hawwodoo hurbaaxxi sire'i hinkido'ne'e keeno? Woraqatanne hawwodoo keeno "hawwodoohane" yimminne annanni issehe.
 ⇒ Hanaan caakkukeeniinsi eddakkam luwwi yoolas eddehe.

4. **QARAA'L HARA'MMATO AA'IMMI.** I orachchi xisso egexximmi malaayyi hoogaanchi ihu bikkina sholle'aallisanne xisseena xanoommisa la'oommo. Orachchi xisso ammane qaqqisaa akii'm mine maroommo; mad hee'ulas laastikiinne ifiisimmi hasisoo'isa xadoommoyyo. Hanqinam an gada'aamo; akii'm diinate kaballi afeebe'e i gagine xanaammo. Woshshi ihukkaarem hundim eekka isseena xanooyyo. Ee bikkina hara'mmanchi hasisoo'isa amma'nnoommo. Mashka'oomam issuwwi hasisoo hara'mmato siidimmi hasisookko.
5. **XANSIISUKKISANNE ORACHCHI MIKMIKAAATO ISSIMMINNE BAQI'LEHE.** I baxo losamukkisanne baxoommo. Diinat aagoo goago siidoommi bax beyyo marimmi liiramsoohane. Mat mat ammane hoogisoo bikkina xisoo bikkina baxo xa'isimmi hasisoo'isa macceesamookko. Vaayiresinne hee'llam manni uullisso'i manni mateeyyoo'm gatti tuutichchotte mulli keenina vaayiresiinsi hinkid ege'llimmi hasisooda'e losisoommo. Oo mikmikaat i bikkina awwaadoohanee yoommi sawwit macceesamoo'isina issukki i kichchechcham xadisookko.
6. **SHA'IXXI EDANCHANNE QOOROMA ISSIMMA.** HIV daba'lloo googii mat horoor vaayires amadaakoo manchine sha'ixxi edancha issimminnette. Ee bikkina vaayiresinne maqire hee'llam manni qooroom bee'i sha'ixxi edamcha issimminne leho mulli keenonne dabarimmi hasisoo'yyo. Ee'isam gaga ege'llakka'a hee'immi te'im kondoma awwaaxximmi hasisookko. Annannoomannem umura edoo qaraare siiddam keen vaayiresinne hee'llam meenti odim qachchi afuuraabee'isa qoorimmi hasisookko.
7. **IITTIMMINAA MULLI KEEN NEESE IITTOO'ISINAA GUOIMMA.** Vaayiresinne hee'llam manni mulli mannisam lonsima, iittimmaa abooyimmaa hassamo. Iittimmaa ee'isam issuwwi manna iittimmaa hassamo. Eehannonne abaroosii beshii lobakat awwaadoo luwwa issitamo.

ISRA'EE'L MINAADABA! Keese qoocuu Waa'i
 "An keese gatisoommo; baddititte;
 at iihane; ki summam an weeshaammo.
 At xillaalli wo'i worinne higgoo ammane

an kiinninne maqir ihoommo;
 hawwi lophphaa keese xuuxooyyo;
 gii'l wororinne higgoo ommanem keese shokkiisooyyo;
 keesenne afoa keenanchim keese hawwodooyyo.
 Keese gatisoommok Isira'ee'l keesammi ihummi
 an ki Moollanni Waa'a.
 An keese wolobbano fiseena
 Gibixxa Tophphe'ee Saaba'aa
 tissi issoa kiina uwwoommo.
 At i illagenne bito xee'aalli luwwinoo'i lumbaammo;
 anim keese lobokata iittoommo;
 ee bikkina an ki foore gatiseena
 lobakat uulli minaodaba kiina tissi issaa uwwoommo;
 an kiinninne maqir ihummi bikkina baddititte.
 "Qee'l uulluwwi hundiinsim eelliinchi firiinsii eelliinchi oaggiinsii;
 ki ooso wixxaa'aamma ixuwwi mi'n beyyo woroommo" yukko.
 (Issa 43:1-5)

S Ka Doollenne Samaare'i Uulli Er Manchi Honnonne Slidamoo?

Ko quuxina aaggi ihoo'isina er Samaarekkichchika aganna luxxi baxxanchika luxxi beyyo odim issitakkeena xontakkomo. Oohim usheexxaxxi matonne baxamukkane. Woshshi ihukkaarem oo er Samaarekkichchi maqire afoa ammane uullookko (ookim oo er Samaarekkichchi madirakanne aagoo'n illagennette ihm hasisoocko). Aganna moo'isaanchii gaogaanchii bogaanii geessichchii Leewekkichchii moo'amtamo; woshshi ihukkaarem aganna kuroonchi "Mat Samaarekkichchi googinne higukkuuyyi" yaa qananaa'oohaare Samaarekkichchi agooyyo; aganna kuraanchi er Samaarekkichchi wocoo aganna lamaagge wocookka; ihukkaarem Samaarekkichchi agooyyo. Eehanniinsi lasage kuraanchi baddoohanee muggohanee ihaa "Er Samaarekkichchi hanno yookko?" "Er Samaarekkichchi ka doollenne ni lambe'enne hanno yookko?" yaa xa'mmoocko. Kanninne aaggimminne osheeroohaanni lasaanchi usheexxatonne aagimmi xansiisookko.

See'l lachchi yoo manchi "I beshichchi ayyette?" yaa Yesuusa xa'mmukko. Yesuusim fanguwwinne ganamaa bogamu mancho allaggichchi Samaarekkichchi hinkid hara'mmaxxi anga biddiqaa'aa hara'mmukkisa kurimminne dabarukko. Samaarekkichchi shumo'inne annanni uulli manchi ihuta'nnim bogaaninne hawwodamukki mancho moo'aakka hara'mmeena ijaajamaakkohan ihukko.

Waa'i minenne Waa'i adillano awwaaddam amma'nnaxxi awwonsaan uullita'a hara'mmato issimmi hasisam hee'ukko. Woshshi ihukkaarem hara'mmimmi woshshi gataa moo'llo'i bee'aannisa ikka'a higgoo. Qishixxito'oyyoo hara'mmiteenam hasso'oyyoo. Samaarekkichchi ihukkisa, moo'aa qishixxukko. Ixxi ansoolinne hawwodanchi afukki mancho iyyaakka diinate akiimina miqakkamisinaa ixxo abooyimminaa ixxen maqire

ammane higisukko. Ixxi doo'llinnem mulli manchika hawwo baxxamukko. Yesuusim "Atim mare ee'isa issee" yukko.

Xa'mmichchuwwa

⇒ Hundim mat googinne matto'o, mat woshshim afukko. woshshi ihukkaarem annannisinne hawwina dabachcha uwwito'o. Qeessichchii Leewekkichchii googqi taakkaancho mahina hara'mmito'oyyo? Mahina gibbo'o? Baddita'atennii? Mulli dummichchi te'im Waa'i mi'n awwaad hee'aatette? Mah mashka'a uwwitamoo yitakka'a sawwitakkamo?

5.1 ER SAMAAREKKICHCHI HAALAT YOOKKOK AYYETTE?

Er Samaarekkichchi haalat qeessichchiinsii Leewekkichchiinsii hore'em annanni ihaakkoohane. Asheeranne dissamukki woshshuwwa moo'llakka'a lasonne ki'nnuwwi haalat "Ayyi ayyeka kobi'llamooda'e" edansehe.

- Samaarekkichchi hawwodamu mancho ixxi beshichchisa issaa moo'aakko. Ihukkaarem mulli keen moo'lla'a lasage gaaggaabba'a higgs'oocko. Issuwwi quux issita'a moo'llo'oyyo. Samaarekkichchi moo'aa lasage "Ku'is eesennem afeena xanoohane" yaa sawwukko.
- Uullukko, ixxi ammanem kitim issukko. Ixxi qood gatimmi hasisookko mashka'oomim fanguwwinne hawwodamaa ubukki manchi gaaggaabaalli hara'mmato hasookko.
- Ee mancho hara'mmeena uullukki beyyonne kee'mmaalli luwwi afeena xanam hee'ukko.
- Eehido'i xiiginne kolbamaa siidamukki la'akkam bee'i mancho nakkimmi baddisoohaneyyonnihe? Shoro'ixxisoo daba'lloo jabbi hee'uta'nnim eekka baddoo'n qaraare aa'aa fayye'eebe'i afeebe'e abooyyukko.
- Ixxi diinatinne awwaadukko. Ammane massaa hara'mmukko, hasisoo'isinne neesahe ee'isannihe mulli manni hawwii u'nnanchii afisookkok maham ihona mah baxxammeena gundoommi keenonnihe?

MOOLLANNI YESUUS KIRISTOOS ixxi gag er Samaarekkichchi danaam kobi'llato.

Mulli keeno iittimminne qishixximma moo'isimminne Yesuusa labookkok bee'e. Manchi beeto iittaakko. Baxxansimmi bee'e, manna hundam gudaanchonne moo'oocko. Manna gatiseenaa yaakkaa ixxi gaga higisaa uwwukko.

Iittoo yimmi Waa'i neese iittaa ni baaxiilo shiinshoo'isina ixxi beeto asse'ukki iitto bagaan neese Waa'a iittinoammi iittooyyo. Iittantakko'oo i qarmanna, Waa'i neese kaa'anna iittuklas neesena'i neesem iittanchi hasisaokko. Waa'a mao'ukkok ayyim bee'e. Ihukkaaremdu neesena'i neese iittammumlas Waa'im niinninne maqire hee'oocko. Ixxi iittim ni waronne wo'mmoakko. (1Yooah 4:10-12)

AFAKKO'I LUWWA 6: Beeti'i vaayires is xiiganne yoo'isa is aro'ina kutto'aare lam is oasinne maqirem miniinsi hollukko. Maham vaayires ixxeensi isenne daba'llukkaarem qatto'i amanaa is abaroosinaa ayyenam kutteena iggito'oyyo. Mi'n kera'i baxo siidda'a baxxeebe'i afeebe'e Waa'a uunxaxxi min sasom aa'aakka afuussukko. Beeti'i kaba vaayiresinne maqire hee'llam manni wixxita'a wossoo'llitam beyyi, hurbaataa qaraaree siiddam manni gatti tuutichchotti ikko'oocko. Ka manni gattiinsi siiddam hara'mmatinnee Waa'a uunxaxxi mininne uwwakkam hara'mmatinnee kaba hiriggita'oocko. Is amana caakkissa'a kutto'oocko. Beeti'i ama is landichchi woshsha macceessa'a lobakata muggito'o. Sogitanim hasisukko. Woshshi ihukkaarem hosaa garaa dasukkuuyyi Beeti'i duuha'a goossimminne is landichchoo landichchi oasoo hara'mmimma asheetto'o.

Tuutinne Wixxakka'a Qooro'a'm Baxa Baximmo

- ⇒ Beeti'ii is abaroosii afukki erokii jorii maha yitakka'a sawwitakkamo?
- ⇒ Beeti'i ki'nnuwwi abaroosiinsi mat ikkota'n saarayyamtam ammane vaayires is xiiganne yoo'isa ki'nnuwwina kuttota'n ki'nnuwwi sawwit mah ihoockoo yitakka'a sawwitakkamo? Soor manchi ikkakka'a eekka aganni baxisanne moo'issehe.
- ⇒ Ki'nnuwwi Waa'a uunxaxxi min hinkid ise aa'immi hasisookko?

5.2 MOOLLANNI YESUUS KIRISTOOS NEESE HARA'MMOOKKOK NIINA HARA'MMITAM MANNI KOLLINETTE

Lasaanchi oogato'i balla hinkida'i dabachcha niina uwwuda'e neese xa'mmammoommane:

Manchi Beet Waa'i asse'amaaninne hundinnem kibbamaa lombinne waaroakki ammane adilla'n barcumanne afuuraokko. Uulli minaadab hundim ixxi illagenne wixxitamaare allaaraanchi gereebba fella'iinsi annanni issoo'isa ixxuwwam annanni issoakka. Annanni issaa dao'llanto'i keena ixxi makki kollonne dao'llanto'ibee'i keena ixxi qeddi kollonne uullisoakko. Ee lasage adilim ixxi makki kollonne yo'i keenina "Iyyanni maasse'aakkaa keena waallehe; hundi luwwim qaaccameena illageen ki'nnuwwina' gudukki adillano aa'llehe. Mashka'oamim an sibaarummaare itissakka'oakko; xeebe'ummaare agissakka'aakko koyyiinchi ihaa waarummaare koyyinano aa'llakko'aakka. Habiillummaare eddeessakka'oakka; xissummaare jabbissakka'oakko. Karamummaarem xa'mmitakka'oakka" yukka.

Ee ammane xummaan keenim ixxena "Ni Moollanna, hinki balla sibaattaa moo'naa itinummo? Hinki balla xeebe'llaa moo'naa aginummo? Hinki balla koyyiinchi ikkaa moo'naa koyyinano aa'numma? Hinki balla habiillitaattoo moo'naa eddeensummo? Hinki balla xissitaa te'im karantaa moo'naa xa'mminummo?" yitamo. Adilim dabaraa "Hanqinam an ki'nnuwwina kuraomma; ka iyyabbaayyuwwiinsi haffaannina matina issitakka'ok iina issitakka'aannisa" yukka.

Ee lasage odim qeddi kollonne yo'i keenina "Ki'nnuwwi duumantakka'oo keen i illagiinsi qee'llehe! Masakkichchi Sheexaanchinaa ixxi asse'amaaninaa gudukki heer heerinam xoo'aabee'i giiranne aaggehe! Mashka'oamim an sibaaraa hee'ummo; ihukkaarem itissakka'ayyo. Xeebe'aahim hee'ummo; agissakka'ayyo. Koyyiinchi ihaa waraa hee'ummo; koyyinano aa'llakko'ayyo. Habiillaa hee'ummo; eddeessakka'ayyo. Xissaatii karamaatii hee'ummo; moo'llakko'ayyo" yukka.

Ee lasage ixxuwwim ixxena "Ni Maollanna, neese at sibaattaa te'im xeebe'llaa te'im koyyinano waattaa te'im habiillitaa te'im xissitaa te'im karantaa hinki balla moo'naa hara'mmimma

sambummo" yita'a dabattamo. Adilim dabaraa "Hanqinam an ki'nnuwwina kuroomma; ka iyyabbaayyuwwiinsi haffaannina matina issitakka'ibee'ek iina issitakko'i bee'aannisa" yukka. Ee lasage aa keen heer heerinam hee'aakki bichchina mattama. Ihukkaarem xummaan keen heer heerina hee'aakki heechchina mattamo. (Maat 25:31-46)

Tuutinne Wixxakka'o Qooroo'm Baxo Baximma

- ⇒ Yesuus Kiristaos mulli manninne hinkid siideena xanaakko?
- ⇒ HIV/eedis baaban maqire amaxxamaakkaa hara'mmato issakkeena labookki manni kabi'llato uwehe.



5.3 VAAYIRESINNE HEE'LLAM MANNI ER

SAMAAREKKICHCHISA HARA'MMITEENA XANTAMO

- Vaayiresinne hee'llam manni HIV/eedisa hoorimmina issakkam mikmikaatonne horoor hara'mmaxxi malaayyi ihimma xantamo. Maaxaqa liqakka'a firimminne ixxuwwi gaqqi yakite baxxansitamisina qoxxisansimmi hasisoakka. Kummuwwinne xigamoo labakat kitaabbuwwiinsii woraqaattuwwiinsii labaka issuwwi uwwitam naqaash labakat er washsha siidisaakka.
- Kaballa xaaxxaakkaa heer uulli qoorominaa goddinaa er xumminaa lamem albachcham heerimmi malaayyinaa hundiinsim gaassoo beyyi uwwamaakka. Vaayiresinne maqire hee'llam manni kaninne maqire amaxxamaakkaa mulli baxina

beyyo uwwamaa waaroo'isa issimma xantamo. Kobi'llishshina edanchi bikkinaa beshoo'm bikkinaa, mat mato tiirimminnee iittinnee maqire hee'immi bikkina oohim abaroosinnee beshinne maqire mateeyyi ihmminaa gaassinnaa beyyo uwwinoommisina issookko.

- Ka xissinne an amadanchinne siixxummoo yookki mexxo'i danaam woshshi Waa'innee mulli manninnee maqire qarmanchi ihoommisa issaakko. Yito'ok vaayiresinne maqire hee'llam Magidaliinette. Vaayiresinne amadamumbee'i keendu ni gaga lehina gudisimmi bee'ennihe? Vaayiresinne maqire hee'llam manni issuwwi ayyaa'n heechchi bikkina sawwinoommisina hasisookko.

Tuutinne Wixxakka'a Qooroo'm Baxo Baximma

⇒ HIV/eedisinne manni eedisa moo'oo'isanne uwwitam awwaadii mulleka Waa'a uunxaxxi minenne issitam luwwa baxxamaan ihmimi hasisoo'isa qoossehe. Waa'i uwwukki uwwanchisinne mulli manni annanni beyyonne dissitakka'a baxxamisina qoxxissehee iggissehee.

5.4 ER SAMAAREKKICHCHISA ABOOYYAAN IHIMMA

Keesammi Maxaaf agannanne caakkukkisam er Samaarekkichchi lobakata wocooyyo. Woshshi ihukkaarem iittoo qishixxatoo baxinne qoossaakko. Amaxxa awwaaxximminne hawwodamu mancho saa'lliseena hallichcho awwaaxxaakko. Ixxi diinate hawwodamukki manchina ara'inaa hurbaatinaa miqakkamoka guullaa miqaa ee'isam ixxi ammane abooyyimmina hosisaakko.

HIV/eedisinne amadamto'i keen ni kululleetanne siidamtam abaroosaa mulli mannaa hara'mmimmii bakkiisimmii niina hasisookko. Hangoo'isanne hasisoo luwwa issimminne baxonne hosoo'isa issimminnee sogimminnee hara'mmato issimmi yab niina yookka. Hurbaataa wo'oo uwwimminnee baxinnee baxinnee moo'insoommi hara'mmato issineena xannoormo. Diinate uwwimmi malaayyi beelas yoommame'i beyyi afeebe'e mallaamma xa'mmi'neena, do'neena abooyyineena hasisookko. Eekka laboo'isanne issuwwina yookki iittoo qishixxatoo caakkinseena xannoormo. Lobakat manni xissitam


ammane abaraasii beshii hincitamisina issi minenne ihmima hassamo. Woshshi ihukkaarem oohim abaraasina kee'mmaalli iyyo. Annannoomannem manni xissoohaare hara'mmato hassaman ihoohaare. Ee ammane er Samaarekkichchi hangoo'an ihaakko hara'mmatoo abooyyimmaa issimmina ijaajamchi hasisookko.



Eedis Xissaano Abooyyinoom Ammane Ni Gaga Ege'llimmi Hasisoo'isa

1. Orachchiinsi firookki biinca moo'oo'isanne xiig, goo'n qansi, aadit te'im bii'l shum, uwwi (xiiginne hamaaramulas) omariinsi firookki shuusho'i te'im omaranne shigidanchi qooccamoobee'isa ege'llimma. Ni omachchi qoocanchannem vaayires orachchonne aagoobee'isa hooroakko. Woshshi ihukkaarem xiig hee'oo ammane laastiiqqi gowaanta awwaaxximmi hasisookko.
2. Orachchonne mad moo'amu keen (vaayiresinne hee'llam manni) mada laastiikinnee ifiisimmii issuwwi gaqqi saamunaa fooxaa awwaaxximmi hasisookko. Ee ammane mulli manna xummaatina anga amadimmi hasisooyya. Hundi manni xummina luxxi beyyo uwwimminnee maashimminnee "Urimma issimmina ihukkaare..." yimminne higimmi qoorooma.

3. Malaacaa xura'a muraanchoo inqe miinqeeshshaanchoo ayyi qare'aa'lli xaaram waosa aa'akku'uuyyi awwaaximmi hasisooyyo.
4. Suqqo'i jabbi yoo manni vaayires yoo manni qoorimmi hasisookko. Suqqo'i jabbi jarmi sholle'aallisinne fayya'i mannanne daba'lloo bikkinaa kolboo bikkinaa, kuxxisoo ammane suumee sanee muccur maararabinne te'im muccur carqinne ifiisimmi hasisookko.
5. Vaayires xiiganne hee'ookkoo yakka'a malakkam ciilichcho ayyi ciilluwwisam abooyyimma issimmi hasisookko. Mat ciilichchi xilqii woronne vaayires yaa'isaa bee'isaa la'immina 12-18 agana massookka. Ee bikkina ciilichcho abooyyakkata'n maham hawwojji bee'e. Ciilluwwi muli ciilluwwinne lelluta'n afisookki hawwi hee'ooyyo. Ihukkaarem hanaan caakkukkisinne qooroominne egerimmi hasisookko.
6. Vaayiresinne hee'llam manna (eedis xissaano) abaroos heechchanne qoxximmi hasisoo luwwanne baxxamaan ikkamisa issimmi lobakata awwaadoohane. Ooso illagenne li'isimmi bikkinaa lago aa'immi bikkinaa caakkisimmii atoorarimmii awwaadookko. Edakka'a leh maqire amaxxamaakkaa xisoo kichchechchaa baxxamimmi lehoohaanninam usheexxato uwwoochane.



7. Ayyaanaam abooyyimminne baachchaa kichchechchaa shollisukkuuyyi qoxxisookko. Jabba'an mixano macceesimmi foo'l omara fayyiishshina yakimmi hasisookko. Amma'nnaxxi anno'i ee'isam amma'nnaanimmii jabbaancho xa'mmimminne Waa'a uunximmii Waa'i sagara macceesimmii hasisoohanee awwaadoohanee. Maqirem baaxii'l uratoo uwwanchaa gatisaanchi Yesuus Kiristoosinne siidamookki doolli hundi heechcha baxxamaan ikkamisina hara'mmimmi amma'nnaanina yoo seerame. Oohim awwonaanchi keesammi Phaawuloos Oroome'i mannina asse'ukki assonne kanniinsi waroon awwonoo'isanne caakkisaakko:

WAA'A IITTITAM KEENINAA IXXI SAWWIXXISANNEM WEESHANTO'I KEENINAA WAA'I HUNDI LUWWAM EROOMMINA ISSOO'ISA LANQOOMMO. WAA'I GAASSAATIM DOO'LLUKKI KEENO IXXI BEET HAGARANNE DABA'LLITAMISA ISSUKKO. EE'ISA ISSUKKOKIM LOBOKAT ABBAAYYUWWI LAMBE'ENNE YESUUS WON IHOO'ISINATTE. IXXI BEET HAGARANNE DABA'LLITAMISA ISSUKKI KEENOM WEESHUKKO, WEESHUKKI KEENOM MUCCUSSUKKO; MUCCUSSUKKI KEENOM LONSUKKO.

Ehannata'i ki woshshi bikkina mayyinoommo? Waa'i niininne maqir ihukkaa'lleensi niininne uullixxameena ayyi xanookko? Ixxi beetina qishixxoo'n niina hundinam higisaa uwwukki Waa'i ixxi beetinne maqire hundi luchchom uwwooyyonnihe? Waa'i doo'llukki keeno kasasookkok ayyette? Waa'i muccussukki keenonne oogatookkokdu ayyette? Ayyim oogatooyyo. Ni bikkina lehukkok; lehiinsim ki'ukkuk; Waa'aannonnem makki kollonne afuurukkuk; ni bikkinam Waa'a uunxookkok Yesuus Kiristoosatte. Kiristoos iittiinsi neese annanni issookkok ayyette? Hawwonnihe? Te'im kichchechchannihe? Te'im yaayyanchannihe? Te'im sibaaronnihe? Te'im umba'adomannihe? Te'im malaayyaam hawwonnihe? Te'im bisa'annihe? Keesammi Maxaafanne

“Ki bikkina balli hundam lenaommo;
durakkam gereebbisa inkaa xigammummo” yamamaa
xaafamukkane.

Neese iittukki Yesuus Kiristoos kollinne ee luwwi hundam kaa'noommo. Lehom ihuta'n te'im heechcham ihuta'n te'im Waa'i asse'amaanom ihuta'n te'im gassaanoom ihuta'n te'im kaba yookki luwwam ihuta'n te'im hanenne waarookki luwwam

ihuta'n te'im malaayyaammuwam ihuta'n te'im duunam ihuta'n te'im cebbam ihuta'n te'im qooccamukki luwwi hundam ihuta'n ayyim ni Moollanni Yesuus Kiristoos kollinne Waa'i neese iittukki iittiinsi annanni isseena xanoobee'isa an la'aammo. (Ora 8:28-39)

5.5 AMMA'NNAXXI IITTI BAXINNE MOO'ANCHI HASISOOKKO

“Iyyabbaayyuwwa, ‘Iina amma’nnat yoakka’ yukkuuyyi ixxi amma’nnata danaam baxinne maa’isubee’aare ixxena maha awwaadaakka? Eehida’nne’i amma’nnat ixxa gatisseena xanoohonnihe? Kobi’llishshina edde’amoo luwwii, itamaa luwwii bee’i abbaayyuwwii, aayyuwwii hee’amukkaare ki’nnuwwi ixxuwwi heechchina hasisoo luwwa uwwitakkoo’nnim ‘Iibbona, goddehe, xummanne mallehe’ yitakko’aare ixxuwwina maha awwaadookko? Ee bikkina danaam bax bee’i xale’i amma’nnat lehaakkoohane.” (Yaaq 2:14-17)

Ee’isam ka kitaabanne kanniinsi woroan hincukkisanne wocaakko:

Niyyanni Waa’i illagenne tuu’l bee’i muccur awwanimmi kane; adaraalluwaa hara’mmimmaa aro’i lehukki meenta hawwi hundannem hara’mmimmaa ka uulli bushaalli luwwiinsi gaga ege’llimmaa. (Yaaq 1:27)

Tuutinne Wixxokko’a Qooroo’im Baxa Baximmo

- ⇒ Ka er baxa issitakkeena yaa malaayyii amaxxii maha? Ka ki’nnuwwina yookki malaayye wixxaa’imminne HIV/eedis mashka’inne hawwodamta’i keenoo issuwwi abarsoosaa hara’mmitamak hinkidette?
- ⇒ Ki’nnuwwi Waa’a uunxaxxi minenne mateeyyanne hara’mmanchinne anno’i lehukki ciilluwwaa goon lehukki meentaa hinkid hara’mmitakkamo?
- ⇒ Yesuus Kiristaasa “Er Samaarekkichchisa issitakkeena xantakkamok hinkidette?” yaa xa’mmaokko. Luxxeka ki gaqqi aada’a fissitaa kitaabe, eehannii lasage Waa’a uunxaxxi mi’n dummichchina qaada’o fisse.

5.6 BAXONNE HOSUKKI I AWWONSA

.....

Dummichchiko Baxanne Hosoo Awwonsa

.....